

ԲՈՒՆԻԱԹ ՍԵՐԱՍՏԱՑԻ — Գիրք բժշկութեան (Ժէ գար), աշխատասիրությամբ՝ Դ. Մ. Կարապետյանի, Երևան, ՀՍՍՀ ԳԱ հրատ., 1987, 192 էջ:

XVII դ. սեբաստահայ բժիշկ Բունիաթ Սեբաստացու «Գիրք բժշկութեան»-ը դասվում է միջնադարյան հայ գործնական բժշկության կարևոր արժեքների շարքի՝ դառնալով թերապիայի ճշգրտված ուղեցույց: Բժշկարանը բաղկացած է 50 գլխից, որի մեջ Սեբաստացին կանգ է առել համարյա բոլոր օրգան-համակարգերի ախտաբանական շեղումների վրա, անդրադարձել է ներքին հիվանդություններին, դրանց ախտանշանագիտությանը, ապաքինմանը, դիետային: Մասնավորապես քննել է նյարդային համակարգի զանազան ախտահարումները՝ ընկնալորությունը, կաթվածը, փերջույթների դողը, շղաձգությունները, նկարագրել է աչքի, ականջի, քթի, շնչական ուղիների, սրտի, ստամոքսաղիքային ուղիների, լյարդի, փայծաղի, երիկամների և սեռական օրգանների հիվանդությունները, շարադրել դրանց բուժման ուղիները: Առանձին դեղամիջոցների նկարագրությանը և դրանց բուժական հատկություններին են նվիրված բժշկարանի մի քանի գլուխները:

Գիրքն ունի տարրնթերցվածներ, ռուսերեն ամփոփում, օտար և անծանոթ բառերի ու տերմինների բառարան, հիվանդությունների և դեղանունների ցանկ: Գրքի պատասխանատու խմբագիր՝ Հ. Դ. Փափազյան:

«ՀԱՅ ՔՆՆԱԴԱՏԱԿԱՆ ՄՏՔԻ ՊԱՏՄՈՒԹՅԱՆ ՄԱՏԵՆԱԳԻՏՈՒԹՅՈՒՆ (1794—1920)», Երևան, ՀՍՍՀ ԳԱ հրատ., 1987, 758 էջ:

Մատենագիտության բովանդակությունը ներառում է հայ քննադատական մտքի զարգացման պատմությունը նրա կազմավորման սկզբնական շրջանից՝ XVIII դ. վերջից, մինչև XX դ. 10-ական թվականները: Մատենագիտությունը ծառայում է ինչպես հայ քննադատության ուսումնասիրությանը, այնպես էլ հայ հասարակական մտքի, մշակույթի, բանասիրության ամենաբազմազան հարցերի հետազոտությանը: Գրքի մեջ ընտրվել և ներկայացվել են հայերեն առաջին պարբերականի՝ «Ազդարարի» ժամանակներից (1794-1796) մինչև 1920 թ. լույս տեսած 220 պարբերականների քննադատական հոդվածները: Արտացոլվել է հայ քննադատական մտքի բնորոշ սկզբունքներից մեկը՝ ազգի երկու հատվածների՝ արևմտահայ և արևելահայ, գրականության միասնականության հարցը՝ պարզելով դրանց գրապատմական կյանքի առանձնահատկությունները, փոխադարձ ճանաչողությունն ու մերձեցումը, ուղենշելով միասնական զարգացման հեռանկարները:

Մատենագիտությունը կազմվել է ժամանակագրական կարգով: Գրքից օգտվելը դյուրացնելու նպատակով վերջում տրված են անվանացանկ և մամուլի օրգանների այբբենական ցանկ:

Պատասխանատու խմբագիր՝ Հ. Մ. Դավթյան:

ՖԵԼԻՔՍ ՀԱՅՐԱՊԵՏՅԱՆ — Ֆենոլոգիայի հայ-ռուսերեն բացատրական բառարան, Երևան, ՀՍՍՀ ԳԱ հրատ., 1987, 115 էջ:

Բառարանը ֆենոլոգիայի բնագավառում առաջին փորձն է. միութենական հանրապետությունների որևէ ազգային լեզվով առաջուր ամբողջական ֆենոլոգիական բառարան չի կազմվել: Բառարանում ընդգրկված են շուրջ 530 տերմին և անվանում: Այն կազմված է տերմինարանի սկզբունքով: Տեղադրված է

ու անվանումները դասավորված և համարակարգված են այբբենական կարգով: Բերված են տեղմիներ ռուսերեն համարժեքները և դրանց համառոտ բնորոշումը: Այն ոչ թե տեղեկատու, այլ բացատրական բառարան է:

Կատարված է նաև տերմինաշինական որոշ աշխատանք: Առաջին անգամ օգտագործման առաջարկվող տերմինները բերված են աստղանիշով: Բառարանն ունի ռուսերեն տերմինների այբբենական ցանկ (ռուսերեն):

Պատասխանատու խմբագիրներ՝ Լ. Վ. Հարովսյույան, Լ. Բ. Պետրոսյան:

ՀԱՄԻՏ ԵԳԱՆՅԱՆ — Հոգևորականության դերը Իրանի հասարակական-քաղաքական կյանքում (1953-1978 թթ.), Երևան, ՀՍՍՀ ԳԱ հրատ., 1987, 222 էջ:

Գրքի երեք գլուխներում լուսարանվում է 1953 թ. Իրանի ռազմական հեղաշրջումը և քննվում Իրանի շահի ձեռնարկած բարեփոխումների ծրագիրը: Բացահայտվում են հոգևորականության ընդդիմությունն ու դժգոհությունը այդ բարեփոխումների դեմ, նրանց պայքարն իրենց դիրքերի վերականգնման ու ամրապնդման համար: Գիրքն ունի վերջաբան և օգտագործված գրականության ցանկ:

Պատասխանատու խմբագիր՝ Ջ. Ս. Կիրակոսյան |

ՀԱԿՈՐ ՂՐԻՄՅՑԻ — Տոմարագիտական աշխատություններ, աշխատասիրություններ՝ Ջ. Ա. Էյնաթյանի, Երևան, ՀՍՍՀ ԳԱ հրատ., 1987, 394 էջ:

Միջնադարյան հայ բնագիտական մտքի ուշագրավ ներկայացուցիչներից է տոմարագետ, մաթեմատիկոս Հակոբ Ղրիմեցին (XIV—XV դդ.), որը տոմարագիտության վերջին նշանավոր ներկայացուցիչն է Հայաստանում: Գրքում ներկայացվում են Հ. Ղրիմեցու աշխատությունները, որոնք վերաբերում են մարգակագմությանը, քարոզներին, ազգականության և պսակի կանոններին, քերականական գործերին: Բացահայտվում է Հ. Ղրիմեցու դերը հայ երաժշտական մտքի պատմության մեջ, դասագրքերի կազմման և մաթեմատիկա ու տոմարագիտություն ուսուցանելու բնագավառում: Գիրքն ունի բնագրեր, տարբերակներ և ծանոթագրություններ:

Պատասխանատու խմբագիրներ՝ Լ. Վ. Միրզոյան, Հ. Դ. Փափազյան:

ԴԵՐԵՆԻԿ ԴԵՄԻՐՃՅԱՆ — Երկերի ժողովածու, հ. 14, Երևան, ՀՍՍՀ ԳԱ հրատ., 1987, 666 էջ:

Դ. Դեմիրճյանի Երկերի ժողովածուի վերջին՝ XIV, հատորով ավարտվեց հայ մեծ արձակագրի ստեղծագործությունների ակադեմիական հրատարակությունը: Գիրքն իր մեջ ներառում է հեղինակի հուշերը, նամակները, հոդվածները (1913-1956), երգիծական երեք դիմանկարներ: Հատորն ունի համառոտագրությունների, ծանոթագրությունների, հասցեատերերի և Դ. Դեմիրճյանի երկերի այբբենական ցանկեր:

Հատորի խմբագիր՝ Պ. Հ. Հակոբյան: